



Le dàrmole (p. Frumenzio Ghetta)

1.

Le dàrmole le cianta
sui sasc del salejà
le dàrmole ferade
da n faure artejan

l'é na peamenta sana
le dàrmole d'ista
ge vel che le sie grane
d'invern se tu es giacià.

Te scola nosc maester
cognea n sèghit cridar
par tegnir cec chi morchies
l'aea so bel da far.

El fon sot it' chi benc
l'era jà ducant zarà
i piesc de chi fenc
i fajea zapolà.

3.

E siane contenc de nia
de n raf, de na contìa,
e siane contenc de nia
de na contìa, de n raf.

Nesciugn più se ricorda
duchenc à desmentìa
le dàrmole ferade
sui sasc del salejà.

(rep.)

2.

Gio veide amò chi bujes
che é far da servidor
coi spic de chele dàrmole
aló japede utar

ma l veie nosc Piovan
l'era ben content assà
del picio servidor
bel ros e mez giacià.

Nesciugn più se ricorda
de dàrmole ferade
de fam e de giaciade
duchenc se à desmentìa.

Nesciugn più se ricorda
duchenc se à desmentìa
le dàrmole ferade
sui sasc del salejà.